

खास परातना की अरज

बाइबल अनुवाद

- * मरकूस का हवहमच्यार को परकासण जट वे सके।
- * आकी बाइबल को अनुवाद अन परकासण जट वे सके।
- * अनुवाद करबावाळा अन वाँका परवारों में परमेसर को आसीस बण्यो रेवे।

भजन बणाबा का काम

- * मेवाड़ मसी मण्डली भजन बणाबा का काम में खूब बड़े।
- * नुवा भजन देकबा अन हुणबा की सीडियाँ बण सके।
- * बजावा वाळा ओर भी मले।

साक्षरता

- * साक्षरता ओपिस में काम करबा के वाते एक मसी परवार मल सके।
- * ओर भी नरई मेवाड़ी भासा में पोती-पानड़ा अगोटा वे सके।



ई की लारेई माँ ई टेम थाँने बदई देबो छावाँ हाँ
के बड़ो दन थाँका वाते राजी-खुसी अन परमेसर
की करपाऊँ हव रेवे। नुवा साल में परमेसर थाँको
खूब भलो करे।

Wishing you

बडा दन अन नुवा साल की घणी
घणी सुबकामना

This Christmas Always

मेवाड़ी भासा अनुसंधान कार्यालय

प्लॉट नं० 18, आदर्श नगर, कपासन

चित्तौड़गढ़, राजस्थान-312202

+91-9928524357, +91-9610212177, +91-9610331659,

+91-9772045544, mewadmasihmandli@gmail.com



परमेसर
मेवाड़ ॐ
अतरो लाड़ करे हे के...

मेवाड़ का हारई भई बेना ने जेय मसी की।

मेवाड़ घणो मोटो देस हे। ई देस में परम पिता परमेसर आपणां काम ने तरे-तरियऊं कर रिया हे। ई काम में परमेसर आपणी मेमा के वाते माने भी मेवाड़ी मसी मण्डली का रूप में आपणो काम हूँप्यो हे, जिंका में पवितर सासतर बाइबल को मेवाड़ी भासा में अनुवाद कररिया हाँ, अन हातेई-हाते बाइबल ऊँ फोरी-मोटी केण्याँ अन भजन बणारिया हाँ।

भजन बणावा का काम

- * आट भजनाँ की एक सिड़ी त्यार किदी हे।
- * एक देकबा की सीड़ी जिंका में भजन बणावा का बारा में बतायो ग्यो हे।
- * पचा नुवा मेवाड़ी-वागड़ी भजन बणाया ग्या अन वाँकी किताब तेयार किदी हे।

बाइबल अनुवाद

- * नुवा नियम का च्यारई हवहमच्यार, परेरिताँ का काम, गलतिया, इपिसियाँ, पिलिप्पी अन कुलुस्सियों का सरुआती अनुवाद मेवाड़ी भासा में वेग्या हे।
- * मरकूस की किताब की सलाकार के हाते जाँच-पड़ताल वेगी हे, अन परकासण का वाते तेयार वेरी हे।
- * हवहमच्यार का परच्या को अनुवाद कर दिदो हे।



साक्षरता

- * मेवाड़ी भासा में अणभण्या ने भणाबा की पेली, दूजी अन तीजी पोत्याँ त्यार वेरी हे।
- * लगे-भगे तीन हजार मेवाड़ी सब्दा ने भेळा किदा अन लगे-भगे दो सो केण्याँ, हो पेलियाँ, हो मुवावरा अन हो कविताँ लिंक दिदी हे।



ओर काम

- ◀ छबीस ऊँ अठइस नवम्बर ने बाइबल की केण्याँ हूणाबा की टेनिंग वी, जिमें लगे-भगे बइस भई-बेना भाग लिदो हो।



- * केलेण्डर अन फोरो केलेण्डर बणायो हे।



परातना करज्यो

- * मेवाड़ का हारई भई-बेन परबु ईसू को नाम जाण सके।
- * आकई मेवाड़ऊँ नसा-पता की आदत, बिमारियाँ अन कूरितियाँ छेटी वेने।
- * परबु ई इलाका में आपणाँ हेलाऊँ हेला भक्ता ने आपणी सेवा के वाते त्यार करे।
- * ई इलाका में हारई लोग-बाग भाईचाराऊँ रेवे अन सान्ति बणी रेवे।

